

BIDA DI DEMETRIO MADURO SU TRANSMISION

CU FRECUENCIA SPIRITUAL AWOR DEN NOS CURAZON

Mi profundo palabranan di condolencia

Na famianan, amigonan, colega - y ex coleganan di Demetrio Maduro

"Historiados grandinan, cu ta bay perdi ora nan bay sosega"

Y cu ta despues di 45 aña, Demetrio a wordo premia. Su transparencia den comparti locual el'a siña cu hecho of conseho. Tele Aruba, canal 13 cu antes tambe a conoce su maneho. Tendiendo tur locual e homber balente cu barba aki a logra di transmiti. Programa- y entrevistanan cu a inspira y ponebo hari, yora y kishiki. Pa mi, un di su nombenan secreto : "Sadam Hoessein, pero positivo "!! Djis pa e barba largo ey, cu tabata dorna su cara ora e tambe tabata tristo. Cu el'a traha duro henter su bida, a resalta y recorda den" Un dia den bida". Demetrio Maduro, cu na su mesun manera a biba, goza, comparti y stima Awe, considerando mi mes keto bay como un colega den prensa. Mi a tope hopi biaha desde e dia cu mi a cuminsa traha na radio na 1973

Y awor mi ta pensa... con Aruba lo keda sin Demetrio den prensa

Aunke e hobennan ta tumando over na nan mesun manera improvisa

Cu varios di nan, cu si ta dispuesto di acepta y siña for di e grandinan bon capacita

Demostrando respet pa locual nan ta encontra ya mihor prepara

Awe, e lensnan di camera ta yora y ta repasa

Demetrio su historia.

Con su Creador tabata tin tur su drachinan di cabey y barba conta....

Con su Creador awor a manda yame sin cu e por a nenga y of protesta

Manera un comercial di nos planta di television Tele Aruba canal 13

Demetrio lo keda graba den nos curazon, mente y alma te na nos mesun viehez. Nos cu ta aki ainda, cu por sea un ciudadano ehemplar. Nos, cu tambe a siña hopi cos tocante e bida di nos grandinan den union mas familiar. E diferencia di e comercial inolvidabel aki ta, cu e no por wordo "delete". Si abo mes recorde, den bo mesun manera, simpel, humilde y "sweet". Su cara pensativo, cu hopi inspiracion di su curazon creativo. Lo ta den nos curazon tambe, na un

manera unico y positivo. Sin pensa, cu despues di hopi alegria den mi famia na final di 2009 y na cuminsamento di 2010 yena cu fe y perseverancia. Keto bay, den mi mente, alma y curazon mi transparencia su fragancia.. Bautismo di mi nietonan, casamento di mi yiu homber mayor. Mi a sinta tras di mi computer pa comproba mi mes cu, amor. Ta ingredientenan den alegria, tristeza, firmeza, soledad of dolor. Man den man, nan lo sigui enfrenta e aña nobo aki tambe. Man den man, nan lo sigui tende e bunita vosnan hubenil cantando pa mi, un dande, Aruba, su grandinan y tur cu a conoce Demetrio Maduro, Lo sigui acepta e resto di dianan na un manera limpi y puro

Cu nos Creador su Luz, iluminando nos pasonan,

trankil y no ansha....

Te ora yega nos dia tambe di wordo yama pa bay na nos cas mas aya.....

Cu Sr. Demetrio Maduro sosega na paz...

Skirbi pa Ruthy "Lady Ruth" Vrieswijk-Bergen

